

貴州通志



貴州通志卷之二十一

土司

土司

漢

公孫述時牂牁大姓龍傳并董氏與郡功曹謝暹
保境爲漢乃遣使從番禺江奉貢光武加之並加
褒賞

永初元年九真徼外夜郎蠻夷舉上內屬開境千
八百四十里

以上俱見後漢書

唐

昆明東九百里卽牂牁國也兵數出侵地數千里

元和八年上表請盡歸羗獠故地開成元年鬼主
阿珮內屬會昌中封其別帥爲羅甸王世襲爵其
後又封別帥爲滇王

羗獠蠻首領姓謝氏至龍羽有兵三萬武德三年
遣使者朝以其地爲羗州拜龍羽刺史封夜郎郡
公其北百五十里有別部曰兗州蠻勝兵二萬亦
來朝貢以其地爲兗州貞觀三年有南謝蠻首領
謝疆來朝以其地爲莊州授疆刺史開元中羗獠
酋長元齊死孫嘉藝襲官封其後乃以趙氏爲酋
長二十五年趙君道來朝其裔有趙國珍天寶
戰有功閣羅鳳叛宰相堪國忠兼劍南節度使

國珍有方畧授黔中都督屢敗南詔護五溪十餘
年天下方亂其部獨寧終工部尚書建中三年大
會長檢校蠻州長史資陽郡公宋鼎與諸朝賀
德宗以其國小不許訴於黔中觀察使王礎以州
接牂牁願隨牂牁朝賀礎奏牂蠻二州戶繁力疆
爲隣蕃所憚請許三年一朝詔從之貞元中官其
酋長趙主俗亦以襲朝貢不絕至十八年五遣使
朝元和二年詔黔南觀察使常以本道將爲押領
牂牁昆明等使自是數遣使或朝正月訖開成不
絕故事戎夷朝貢將至黔中官驛勞於郊旣及館

恩禮尤渥

以上俱見唐書

宋

溪洞諸蠻皆古槃瓠種唐虞爲要服周世共衆彌
盛宣王命方叔伐之楚莊既霸遂服於楚秦昭王
使白起伐楚畧取蠻夷置黔中郡漢改爲武陵後
漢建武中大爲寇鈔遣伏波將軍馬援等至臨淮
擊破之渠帥饑困乞降歷晉宋齊梁陳或叛或服
隋置辰州唐置錦州溪州巫州叙州皆其地也唐
季之亂蠻酋分據其地自置爲刺史晉天福中馬
希範承襲父業據有湖南時蠻徭侏聚依山阻江
殆十餘萬至周行正時數出寇邊逼辰永二州殺
掠民畜無寧歲太祖既下荆湖思得通蠻情習險

扼勇智可任者以鎮撫之有辰州僑人秦再雄者
長七尺武健多謀在行逢時屢以戰鬪立功蠻黨
伏之太祖召至闕下察其可用擢辰州刺史官其
子爲殿直賜予甚厚仍使自辟史屬予一州租賦
再雄感恩誓死報効至州日訓練士共得三千人
皆能披甲渡水歷山飛堊捷如猿猱又選親校二
十人分使諸蠻以傳朝廷懷來之意莫不從風而
靡各得降表以聞太祖大嘉復召至闕面加獎激
改辰州團練使又以其門客王允成爲辰州推官
再雄盡瘁邊圉五州連袤數千里不增一兵不費
帑庾終太祖世邊境無患開寶九年獎州刺史田

處達以丹砂來貢太平興國三年夷州蠻任朗政等來貢淳化三年錦州刺史田保全遣使來貢五年獎叙錦費等州皆來貢咸平元年古州刺史向通展以芙蓉硃砂二噐馬十匹水銀千兩來獻詔有司鑄印以賜通展二年高州刺史田彥伊子承寶等百二十二人來朝賜巾服噐幣以承寶爲山河使九溪十洞撫諭都監景德元年高州五姓義軍指揮使田文鄴來貢三年高州新附蠻酋八十九人來貢天禧四年古州向光晉遣使鼎州營僧齋以祝聖壽二年知古州向光晉自言嘗創佛寺請名報國歲度僧一人許之

唐末王建據西川牂牁諸蠻由是不通中國後唐
天成二年牂牁清州刺史宋朝化等一百五十人
來朝其後孟知祥據西川復不通朝貢乾德三年
平孟昶五年知西南夷南寧州蕃落使龍彥瑫等
遂來貢詔授彥瑫歸德將軍南寧州刺史蕃落使
又以順化王武才爲懷化將軍武才弟若啟爲歸
德司階開寶二年武才等一百四十人又來貢以
武才爲歸德將軍又乞賜武才鈿函手詔以舊制
所無不許四年其國人詣涪州言南寧州蕃落使
龍彥瑫卒歸德將軍武才及八刺史狀以彥瑫子
漢瑋爲嗣詔授漢瑋南寧州刺史兼蕃落使八年

三十九部順化王子若發等三百七十七人來貢
馬百六十四匹丹砂千兩太平興國五年夷王龍瓊
琚遣其子羅若從并諸州蠻七百四十四人以方
物名馬來貢六年保州刺史董竒死以其子詔重
繼之

雍熙二年八月奉化王子以慈等三百五十人以
方物來貢夷王龍漢璿自稱權南寧州事兼蕃落
使遣祥牂諸州酋長趙文橋率種族百餘人來獻
方物名馬并上蜀孟氏所給符印授漢璿歸德將
軍南寧州刺史以文橋等並爲懷化司戈

端拱二年漢璿又貽書五溪都統向通漢約以入

貢

淳化元年漢瑋遣其弟漢興來朝三年夷王龍漢興及都統龍漢瑋刺史龍光顯龍光盈及順化王兩滯等各貢馬硃砂咸平元年龍漢瑋遣使龍光興又率牂牁諸蠻千餘人來貢授光興等百三十人官三年都部署張文賚來貢五年漢瑋又遣牙校率部蠻千六百人馬四百六十匹並藥物布帛等來貢賜冠帶於崇德殿厚資遣還六年知全州錢絳請招誘溪洞名豪上以生事寢其奏不報景德元年詔西南牂牁諸國進奉使親至朝廷者令廣南西路發兵援之勿抑其意先是龍光進等來

朝上裕其道遠人馬多斃因詔宜州自今可就賜
恩物至是懇請詣闕從之大中祥符八年夔州路
上言南寧州夷族張聲進遣進奉爲蕃落使龍漢
瑋邀奪蠻劫不已乞降勅書安撫天聖四年龍光
凝康定元年龍光琇景祐三年龍光辨慶曆五年
龍以特皇祐二年龍光澈等繼以方物來貢獻與
以特俱至者七百十九人是年以安遠將軍知蕃
落使龍光辨爲寧遠軍大將軍龍光凝龍異豈並
爲安遠大將軍龍異魯爲武寧大將軍至和中龍
以烈龍異靜首領張漢陞王繼以崇等皆入貢
命其首領而下九十三人爲大將軍至郎將嘉祐

中以烈復至宋初以來有龍蕃方蕃張蕃石蕃
蕃者號五姓蕃皆常奉職貢受爵命治平四年十
二月知靜蠻軍蕃落使守天聖大王龍異閣等入
見詔以異閣爲武寧將軍其屬二百四十一人各
授將軍及郎將熙寧元年有方異現三年有張漢
興各以方物來獻授異現靜蠻軍漢興捍蠻軍並
節度使六年龍蕃羅蕃方蕃石蕃八百九十人入
覲貢丹砂鹽馬賜袍帶錢帛有差其後比歲繼來
龍蕃衆至四百人往返萬里神宗憫其勤詔五姓
五歲聽一貢人有定數無輒增加及別立首領以
息公私之擾命宋敏求編次諸國貢奉錄客省四

方館撰儀皆著爲式元豐五年張蕃乞添貢奉人
至三百詔故事以七十人爲額不許七年西南程
蕃乞貢方物願依五姓蕃例注籍從之元祐二年
西南石蕃石以定等齎表自稱西平州武勝軍禮
部言元豐著令以五年一貢爲限今年限未及詔
特令入貢五年八年紹聖四年龍蕃皆貢方物龍
氏於諸姓爲最大其貢奉尤頻數使者但衣布袍
至假伶人之衣入見蓋實貧陋所異者恩賞而已
故事蠻夷入貢雖交趾于闐之屬皆御前殿見之
獨此諸蕃見於後殿蓋卑之也元符二年又有牟
常蕃入貢詔以進奉人常公憂公市公利等爲郎

將諸蕃部族數十獨五姓最著程氏常氏皆比附
五姓故號西南七蕃云

渝州蠻者古板楮七姓蠻唐南平獠也其地西南
接烏蠻昆明哥蠻大小播州部族數十居之治平
中熟夷李光吉梁秀等三族據其地各有衆數千
家間以威勢脅誘漢戶有不從者屠之沒入土田
徃徃投充客戶謂之納身稅賦皆里胥代償藏匿
亡命數以其徒僞爲生獠劫邊民官軍追捕輒遁
去習以爲常密賂黠民覘守令動靜稍築城堡繕
器甲遠近患之熙寧三年轉運使孫固判官張詵
使兵馬使馮儀弁簡杜安行圖之以禍福開諭因

進兵復賓化砦平蕩三族以其地賦民凡得租三萬五千石絲綿一萬六千兩以賓化砦爲隆化縣隸涪州建榮懿扶歡兩砦其外銅佛壩者隸渝州南川縣地皆膏腴自光吉等平他部族據有之朝廷因補其土人王才進充巡檢委之控扼才進死部族無所統數出盜邊朝廷命熊本討平之建爲南平軍以渝州南川涪州隆化隸焉元豐四年有楊光震者助官軍破乞弟殺其黨阿訛大觀二年木攀首領趙泰播州夷族楊光榮各以地內屬詔建漆播二州後廢

瀘州西南徼外古羌夷之地漢以來王侯國以百

數獨夜郎滇邛都雋比明徙柝都冉隴白馬氏爲
最大夜郎在漢屬牂牁郡今涪州之西溱播珍等
州封域是也滇在漢爲益州郡今姚州善闡之地
是也邛都雋州會同川兵吐蕃接今邛部州蠻所
居也雋今雋州昆明在黔瀘徼外今西南蕃所居
也徙今雅州嚴道地柝都在黎州南今兩林及野
川蠻所居地是也冉隴今茂州蠻汶山夷地是也
白馬氏在漢爲武都郡今階州汶州蓋羌類也此
皆巴蜀西南徼外蠻夷也自黔恭以西至涪瀘嘉
叙自階又折而東南至威茂黎雅被邊十餘郡綿
亘數千里剛夷惡獠殆千萬計自治平之末迄於

靖康大抵皆通戶而奉職貢雖時有剽掠如鼠竊
狗盜不能爲深患考古今辨其封域以見琛贐
之自至梯航之所及者爾若夫邊荆楚交廣則係
之溪洞云

以上俱
見宋史

元

世祖至元十四年三月庚戌田楊二家豕驚夷民
各遣使納款十六年九月戊午招諭西南諸蠻部
族酋長能率所部歸附者官不失職民不失業二
十四年十二月金筑寨主搔驢等以所部百二十
五寨內附二十六年六月甲戌西南夷中下爛土
等處洞長忽帶等以洞三百寨茶百一十來歸得戶